

Ho Hlola Bobe ka Botle



SABATHA THAPAMA

Bakeng sa Thuto ea beke ena, Bala:

Ba-Roma 12, 13.

Temana ea Khopolo:

“Hape le se ke la ipapisa le lefatše lena, le mpe le fetohle ka nchafalo ea kelello ea lona, le tle le lemohe ho ratoang ke Molimo, hore na ke ho fe, ho molemo, ho khahlehlang, ho phethehileng” (Ba-Roma 12:2).

Le haeba Pauloseosi o ne a leka ho lokisa Ba-Roma kae kae moo maikutlo a bona a fosahetseng ka molao, o boetse o bitsa Bakreste bohle ho nyolohela boemong bo phahameng ba kutlo. Kutlo ena e soa phetohong e kahare ea lipelo tsa rona le kelello, phetoho e tlang feela ka matla a Molimo a sebetsang mothong ea inehetseng ho Eena. Ba-Roma ha e na moo e akanyang hore kutlo ena ea iketsahalla. Mokreste o tlameha a hlakeloe ke hore na ho hlokeha’ng; kapa o lokela ho lakatsa ho latela tseo tse hlokoang; ‘me, qetellong, Mokreste o lokela a batle matla ao bosieong ba oona kutlo e joalo e ke keng ea tseba ho etsahala. Se boleloang ke taba ena ke hore mesebetsi ke karolo ea tumelo ea Bokreste. Pauloseosi o ne a sa leke ho nyenyefatsa mesebetsi; khaolong ea 13 le 15 o e tiisa ka matla. Sena ha se ho hanyetsa seo a se buileng pele ka ho beoa ba lokileng ka tumelo. Empa, mesebetsi ke sesupo sa ‘nete sa se boleloang ke ho phela ka tumelo. E mong a ka fana ka mabaka a hore ka lebaka la tšenolo e eketsehileng kamor’a hore Jesu a tle, tseo Testamente e Ncha e li hlokanang li thata le ho feta tse neng li batloa ke ea Khale. Balumeli ba Testamente e Ncha ba fuoe mohlala o tšoanelang tsela e nepahetseng ea boitšoaro ho Jesu Krete. Ke Eena feela e seng e mong ea tsebang mohlala oo re lokelang ho o latela. “Le fele le be le pelo e bileng le ho [e seng Moshe, e seng Daniele, e seng Davida, e seng Solomone, e seng Henoke, e seng Debora, e seng Elia] “Jesu Krete” (Ba-Fil. 2:5). Mokolokotoane o sitoa—ha o ka ke—oa phahama ho feta moo.

**Ithute thuto ea beke ena ho lokisetsa Sabatha sa la 23 Tšitoe.*

Tšebeletso e le Tšoanetseng

Ka khaolo ea 11, karolo ea thuto ea buka ea Ba-Roma ea fela. Khalo ea 12 ho isa ho ea 16 e fana ka litaello tsa bophelo le lintlha tsa motho ka mong. Leha ho le joalo, likhaolo tse na tse koalame li bohlokoa ka tsela e phahameng haholo hobane li bontša kamoo bophelo ba tumelo bo lokelang ho pheloa kateng. Ho qala, tumelo ha ho nkele kutlo sebaka, joalo ka ha e ka tumelo e hlakola tokelo ea rona ea ho utloa Molimo. Melao ea boitšoarō e ntse e le tšebetso; e-ea hlalosa, ebile ea toboketsoa Testamenteng e Ncha. ‘Me ha ho na moo ho fanoang ka sesupo, le teng, sa hore ho tla ba bobebe hore Mokreste a laole bophelo ba hae ka melao ena ea boitšoarō. Empa, ho e-na le hoo, rea bolelloa hore ka nako tse ling ho ka ba thata, hobane ntoa kahlanong le bo-‘na le sebe e lutse e le thata (1 Pet. 4:1). Mokreste o tšepisoa matla a halalelang hape o fuoa tiisetso ea hore tlhōlo e teng, empa re ntse re le lefatšeng la sera ‘me re tla lokela ho loana lintoa tse ngata kahlanong le teko. Litaba tse molemo ke hore haeba re ka oela, ra khotometsaha, ha re lahloe empa re na le Moprīsta ea Phahameng ea re buellang (Ba-Heb. 7:25).

Bala Ba-Roma 12:1. Papiso e behoang moo e senola joang kamoo re lokelang ho phela re le Bakreste? Ba-Roma 12:2 e kopana joang le taba tsee?

Ho Ba-Roma 12:1, Paulo seosi o tšoaella ho mahlabele a Testamente ea Khale. Joalo ka ha khale ho ne ho etsetsoa Molimo mahlabele ka liphoholo, joale Bakreste ba lokela ho neelana ka ‘mele ea bona ho Molimo—e seng hore ba bolaoe empa e le lihlabole tse phelang tse neeloang tšebetso ea Hae. Nakong ea Israele ea khale, mpho e ‘ngoe le e’ngoe e neng e tlisoa ho etsa sehlabole e ne e hlalohoa ka hloko. Haeba ho ne ho ka fumanoa sekoli phoofolong, e ne e hanoa, hobane Molimo o ne o laetse hore mpho ea sehlabole e hloke sekoli. Ka hona, Bakreste ba biletsoa ho beela ‘mele ea bona “e le sehlabole, se halalelang, se amohelhang ho Molimo.” Hore ba tle ba etse sena, matla a bona a lokela ho bolokoa boemong bo tsoang pele kahohle kamoo ho ka etsahalang. Leha ho se ea mong oa rona ea hloka sekoli, taba ke hore re lokela ho phela bophelo bo se nang letheba ‘me bo tšepahalang kamoo re ka khonang kateng.

“Le mpe le fetohle ka nchafalo ea kelello ea lona (Ba-Roma 12:2). Ka tsela ena Moapostola o hlalosa khatelo-pele ea (Mokreste); hobane o bua le bao e se ntse e le Bakreste. Bophelo ba Bokreste ha bo bolele ho ema tlekelele, empa ho tsoela pele ho tloha ho ho molemo ho ea ho ho molemo ho fetisa.”—Martin Luther, Commentary on Baroma, maq. 167, 168. Ho bolela’ng ho tloha botleng ho ea botleng bo fetisang bophelong ba Bokreste?

Ho Nahana ka Phalimeho

Re buile haholo kotareng ena ka ho tsoela pele ha molao oa boitšoarō ‘me ra toboketsa re bile re pheta hore molaetsa oa Pauloseosi bukeng ea Ba-Roma ha se ho rutang hore Melao e Leshome e hlakotsoe kapa e felisitsoe ke tumelo. Feela, ho bonolo ho tšoaseha lengolong la molao hoo re ka lebalang moea o kamor’a lona. ‘Me moea oo ke lerato—lerato ho Molimo le lerato e mong ho e mong. Leha mang le mang a ka bolela hore oa rata, ho senola lerato leo bophelong ba letsatsi le letsatsi e ka ba ntho e fapaneng ka botlalo.

Bala Ba-Roma 12:3–21. Re ka senola bontša lerato joang ho ba bang?

Joalo ka ho 1 Ba-Korinthe 12 le 13, Pauloseosi o phahamisa lerato kamor’a ho sebetsana le lineo tsa Moea. Lerato (agape ka se-Gerike) ke tsela e ipabolang ka ho fetisisa. “Molimo o lerato” (1 Johanne 4:8). Kahona, lerato le hlalosa semelo sa Molimo. Ho rata ke ho etsa ho ba bang kamoo Molimo a n’a ka etsa le ho tšoara ba bang kamoo Molimo a n’a ka ba tšoara. Mona Pauloseosi o bontša kamoo lerato leo le lokelang ho bontšoa bophelong. Ho hlahella tšiea e ‘ngoe ea bohlokoa, ‘me eo ke boikokobetso ba motho: boikemisetso ba motho “hore a se ke a itekanya boholo bo tloisang moo a tšoanetseng ho lekanya teng” (Ba-Roma 12:3), boikemisetso ba ho “beana pele ka hlompheho” (Ba-Roma 12:10), le boikemisetso ba ho se “ipone bohloko” (Ba-Roma 12:16). Mantsoe a Krete ka Eena, “Inkeleng joko ea ka, ‘me le ithute ho ‘na; hobane ke mosa le pelo e nolo” (Matt. 11:29), a tšoere moelelo oa taba. Har’a batho bohle, Bakreste ba lokela ho ba batho ba ikokobelitseng ka ho fetisisa. Haholo hobane, u ke u talime kamoo re hlokanang thuso kateng. Talima kamoo re oeleng kateng. Talima kamoo re itšetlehileng kateng, e seng feela ho ho loka ho hlahang kantle ho rona bakeng sa poloko empa le ho matla a sebetsang ka ho rona ho re fetola ka litsela tseo re ke keng ra iphetola ka tsona le ka mohla. Re na le eng eo re ka ithorisang ka eona? Ke eng seo re nang le sona ka rona seo re ka ikotlang lifuba ka sona? Ha ho letho. Ha re sebetsa ho tloha moo ntlha ena ea boikokobetso e qalang teng—e seng feela kapele ho Molimo empa le kapele ho ba bang—re lokela ho phela kamoo Pauloseosi a re eletsang litemaneng tsena.

Bala Ba-Roma 12:18. U sebelisa keletso ee hantle hakae bophelo ba hau hona joale? Na ekaba o hloka phetoho ea katamelo hore u tle u etse seo Lentsoe le re bolellang sona moo?

Mokreste le Naha

Bala Ba-Roma 13:1–7. Re ka fumana litšiea li fe tsa mantlha litemaneng tsee ka tsela eo re lokelang ho amana le matla a puso ka eona?

Se etsang hore mantsoe a Pauloseosi a thahasellise ke hore o ngotse nakong eo ‘muso oa bohedene o neng o busa lefatše—o neng o le khopo haholo, o neng o bolile ho fihlela motsong oa oona, o neng o sa tsebe letho ka Molimo oa ‘nete ‘me oo kamor’a lilemo tse ‘maloa, o neng o tla qala litlhoriso tse matla ho ba batlang ho khumamela Molimo oo. Hantle-ntle, Pauloseosi o bolauoe ke ‘musong ona oo! Feela ho sa natse tsena tsohle, Pauloseosi o n’a buella hore Bakreste e be baahi ba molemo, le tlas’a ‘muso o joalo?

Ee. ‘Me seo ke hobane taba ea puso e fumaneha hohle kahare ho Bibe. Taba, tšiea ea puso, e hlomamisitsoe ke Molimo. Batho ba lokela ho phela sechabeng se nang le melao le melaona le lipheho. Ho hloka taolo ha se taba ea Bibe. Ha re buile joalo, ha ho bolele hore Molimo o amohela mefuta eohle ea puso kapa kamoo mebuso kaofela e tsamaisoang. Ho fapaneng le hoo. Motho ha ho hloke hore a shebe hole haholo, e ka ba nalaneng kapa lefatšeng kajeno, hore a bone mebuso e khopo. Feela le maemong a tšoanang le ana, ka hlohle kamoo ho ka etsoang, Bakreste ba lokela ho boloka melao ea naha. Bakreste ba lokela ho fana ka tšehetso ho ‘muso ha feela seo o se batlang se sa loantšane le seo Molimo o se batlang. Motho ka mong a ke a lemohe ka hloko—a fumane le keletso ea ba bang—pele a nka tsela e tla ‘meha qoaketsanong le matla a busang. Re tseba ka boporofeta hore ka letsatsi le leng balateli ba tšepahalang ba Molimo ba tla hohlana le matla a sepolotii a busang lefatše lena (Tšenolo 13). Ho fihlela nakong eo, re lokela ho etsa sohle seo re ka se etsang, kapele ho Molimo, ho ba baahi ba molemo naheng e fe kapa e fe eo re phelang ho eona. “Re lokela ho nka ‘muso oa batho o beiloe ke Molimo, ‘me re rute ho o utloa e le boikarabello bo halalelang, meeling ea oona ka tšoanelo. Empa ha o batla tse hohlanang le tse batloang ke Molimo, re lokela ho utloa Molimo ho e-na le batho. Lentsoe la Molimo le lokela ho nkuoa le phahame ho feta melao eohle ea batho. . . .

“Ha re hloke ho nyelisa babusi. Mantsoe a rona, ekaba a ngotsoe kapa a buuo, a khethoe ka hloko, e se re mohlaope ra itlaha hisa litlalehong tsa ba buang lintho tse hlahang li loantša molao le taolo. Ha rea lokela ho bua kapa ho etsa eng kapa eng e ka thibelang tsela ea rona ho sa hloka hale.”—Ellen G. White, *The Liketso of the Apostles*, leq. 69.

Ratanang

“Le se ke la ba le molato ho motho, ha e se oa ho ratana; hobane ea ratang ba bang ke eena ea phethileng molao” (Ba-Roma 13:8). Re ka utloisisa temana ee joang? Na e bolela hore ha re rata, ha re sa na se re tlamang ho boloka molao oa Molimo?

Joalo ka ha Jesu a ile a etsa Thutong e Thabeng, Pauloseosi mona o phahamisa litaelo tsa molao, a bontša hore lerato le lokela ho ba lona matla a susumetsang tsohle tseo re li etsang. Kahobane molao ke tlaheho ea semelo sa Molimo, ‘me Molimo o lerato, ho rata, kahona, ke ho phetha molao. Feela, Pauloseosi ha a behe lerato le sa hlakang sebakeng da litaelo tse ngotsoeng ka ho hlaka le ho topa, joalo ka ha Bakreste ba bang ba lekanya. Molao o aboitšoaro o ntse o tlama, hobane, hape, ke oona o supang sebe— ‘me ke mang ea tlo hana hore sebe se teng? Leha ho le joalo, molao o ka bolokoa feela moeelong oa lerato. Hopola, ba bang ba ba ileng ba isa Kreste sefapanong ka nako eo ba ile ba potlakela hae ho ea boloka molao!

Pauloseosi o ile a qotsa litaelo li fe e le mehlala e bontšang tšiea ea lerato polokong ea molao? Hobaneng ee ka ho khetholoha? Ba-Roma 13:9, 10.

Se thahasellisang, taba ea lerato e ne e se ntho e tsebisoang bocha. Empa ka ho qotsa ho Levitike 19:18, “U tla rata oa heno joalo ka ha u ithata,” Pauloseosi o bontša hore tšiea eo e ne e le karolo ea bohlokoa ea borapeli ba Testamente ea Khale. Pauloseosi o pheta ka ho ipiletsa ho Testamente ea Khale ho tšehetsa thuto ea hae ea evangeli. Ba bang ba pheha khang ea hore ke melao ena e fokolang feela e qotsitsoeng mona e ntse e le tšebetsong. Haeba ho le joalo, na see se bolela hore, Bakreste ba ka hlompholla batsoali ba bona, ba khumamela litšoantšo, le ho ba le melimo e meng kapel’a sefahleho sa Jehova? Ha ho joalo. Talima moelelo o mona. Pauloseosi o sebetsana le kamoo re lokelang ho amana kateng. U sebetsana le likamano tsa motho ho motho, ke kahona a khethang melao e buang ka likamano tsena. Taba ea hae e se ke ea sothoa hoja e ka e felisa melao e meng eohle. (Sheba Liketso 15:20, 1 Ba-Thes. 1:9, 1 Johanne 5:21.) Ntle ho moo, lingoli tsa Testamente e Ncha li supa hore, ka ho bontša lerato ho ba bang, re bontša hore re rata Molimo (Matt. 25:40; 1 Johanne 4:20, 21).

Nahana ka likamano tsa hau le Molimo le kamoo li bonahalang likamanong tsa hau le ba bang. Lerato le nka karolo e kholo ha kae likamanong tseo? U ka ithuta ho rata ba bang ka tsela eo Molimo a re ratang ka eona joang? Ke eng se emeng tseleng ea hau ea ho etsa seo?

Kajeno Poloko ea Rona

“Kahobane re tseba linako, hoba e se e le nako ea ho tsoha borokong; hobane ha e le kajeno, poloko e haufi le rona ho fetisa mohla re lumetseng” (Ba-Roma 13:11).

Joalo ka ha re boletse kotareng eohle, Pauloseosi o ne a na le ntlha e khetholohileng lengolong lena la Ba-Roma, ‘me e ne e le ho hlakisetsa kereke e Roma—haholo-holo balumeli ba ba-Jude ba neng ba le moo—mosebetsi oa tumelo le mesebetsi moelelong oa Selekane se Secha. Taba e ne e le poloko le hore na moetsalibe o bonoa a lokile hape a halalela kapele ho Morena joang. Ho thusa bao chalimo ea bona e neng e le tabeng ea molao ka botlalo, Pauloseosi o bea molao mosebetsing le moelelong oa oona ka nepo. Leha, ka nepo, bo-Juda le nakong ea Testamente ea Khale e ne e ntse e e le borapeli ba mohau, bomolao bo ile ba tsoha ‘me ba senya haholo. Re lokela ho ba hlokolosi haholo re le kereke hore re se etse phoso e tšoanang.

Bala Ba-Roma 13:11–14. Pauloseosi o bua ka ketsahalo e fe moo, ‘me re lokela ho etsa joang e le ho lebella ketsahalo eo?

Ho khahlisa ha kakang hore Pauloseosi moo u ne a bua le balumeli, a ba bolella hore ba tsohe ‘me ba falimehe hobane Jesu oa khutla. Taba ea hore litaba tsena li ngotsoe lilemo tse ka ba tse likete tse peli tse fetileng ha e re letho. Re lokela ho phela ka tebello ea ho khutla ha Kreste ho atametseng. Ho latela kamoo re amehang kateng, le kamoo maiphihlelo a rona a tsamaeang kateng, ho Tla ha Bobeli ha Kreste ho atametsa feela joalo ka khonahalo ea ho shoa ha rona. E ka ba beke e tlang kapa kamor’a lilemo tse 40 re koala mahlo a rona ka ho shoa, kapa hore na re robala matsatsi a mane kapa lilemo tse 400—ha ho etse phapano ho rona. Ntho eo re e tsebang kamor’a tseo ke ho tla ha bobeli ha Jesu. Boemong boo lefu le leng qoleng ea kobo, efela nako e khutšoanyane haholo, ‘me poloko e haufi le rona ho fetisa mohla re lumetseng. Leha Pauloseosi a sa sebetsane haholo le ho Tla ha Bobeli bukeng ea Ba-Roma, mangolong a Ba-Thesalonika le Ba-Korinthe o bua ka hona ka ho pharalla ho fetisang. Haholo-holo, ke taba ea bohlokoa ka Bibeleng, haholo Testamenteng e Ncha. Kantle ho eona le tšepo eo e fanang ka eona, tumelo ea rona ha e na moelelo. Hape, “ho beoa ba lokileng ka tumelo” ho bolela’ng kantle ho hoTla ha Bobeli ho fihlisa ‘nete eo e hlollang sehlohlong?

Haeba u ne u tseba e le ka ‘nete hore Jesu o tla khoeling e tlang, u ne u tla fetola eng bophelong ba hau, ‘me hobaneng? Haeba u lumela hore u lokela ho fetola lintho tsena khoeli pele Jesu a etla, hobaneng u sa li fetole hona joale? Phapano ke e fe?

Nahana:

“Thato ea Molimo e senotsoe ka Bibeleng. Linnete tsa Lentsoe la Molimo ke lipolelo tsa Ea Holimo-limo. Ea fetolang linnete tsena karolo ea bophelo ba hae o fetoha ‘mopuoa e mocha ka mahlakore oohle. Ha a fuoe matla a macha a kelello, empa lefifi leo ka ho hloka tsebo le sebe le neng le koahetse kelello lea tlosoa. Mantsoe ana, ‘Ke tla le nea le pelo e ncha,’ a bolela ‘Ke tla le nea le kelello e ncha.’ Ho fetoha ha pelo kamehla ho lateloa ke khohiseho e hlakileng ea boikarabello ba Bokreste, le kutloisiso ea ‘nete. Ea bolokang Mangolo a le haufi le eena a a bala ka thapelo u tla fumana kutloisiso e hlakileng le kelello e pholileng, joalo ka ha e ka ka ho fetohela ho Molimo o fihletse sebaka se phahamileng sa bohlae.” — Ellen G. White, *My Life Today*, leq. 24. “Morena . . . oa tla, ‘me re lokela ho itokisa re emela ho hlaha ha Hae. Ah, ho tla ba hotle ha ka kang ha re ‘mona ‘me re amoheloa re le bao a ba lopollotseng! Re se re eme nako e telele, empa tšepo ea rona ha e ea lokela ho fifala. Haeba feela re ka bona Morena ka botle ba Hae re tla hlohonolofala kamehla. E ka re nka hoeletsa ka lentsoe le phahamileng: ‘Rea hae!’ Re ntse re atamela nakong eo Kreste a tla tla ka matla le ka khanya e kholo ho tla nka balopolloa ba hae hoea lehaeng la bosafeleng.” — Ellen G. White, *Testimonies for the Church*, pok. 8, leq. 253.

Lipotso tsa Puisano:

1. Sehlopheng, khutlelang potsong ea boithuto ba Labone. Likarabo tseo batho ba ile ba fana ka tsona ke li fe, ‘me ba ile ba li tšeeetsa joang?
2. Taba ea tsela eo re lokelang ho ba baahi le Bakreste ba molemo ka eona e ka ba thata haholo ka nako e ‘ngoe. Haeba e mong a ne a ka tla ho uena a batla keletso ka ho emela seo a lumelang hore ke thato ea Molimo—leha e ne e tla baka khohlano mahareng a hae le ‘muso—u ne u tla re’ng? U ne u ka fana ka keletso e fe? U lokela ho latela litšiea li fe? Hobaneng taba ee e le ntho eo re lokelang ho tsoela pele ka eona ka ho e lekola ka tieo le ka thapelo ka matla a maholo? (Haholo hobane, ha se bohle ba lahletsoeng lemeng la litau ba tsoang ba se na le mongoapo.)
3. U nahana ke ho fe ho thata ho etseha ho feta ho hong: ho boloka molao hlaku ka hlaku ka tieo kapa ho rata Molimo le ba bang ntle ho maemo? Kapa u ka re potso ee e fana ka karohano e fosahetseng ea khetho? Haeba ho joalo, ke hobaneng?
4. Ha re atamela pheletso ea kotara ena, buisanang sehlopheng ka seo le ithutileng sona bukeng ea Ba-Roma se re thusang ho utloisisa hore ke hobaneng Nchafatso e ne e le bohlokoa haholo. Ba-Roma e re rutile eng ka seo re se lumelang le hore ke bohaneng re se lumela?

